

近代中國史料叢刊第五十七輯  
沈雲龍主編

軍書彙鈔

張錫綸編

文海出版社  
印行

同治七年輯

戊辰孟冬

軍書彙鈔

十獲齋存稿

軍書彙鈔序

余嘗讀春秋左氏傳其所載當時  
卿大夫言行甚備而辭命之工政  
治之懋唯鄭子產最著今之縣邑  
方百里者與古之小國等輒慨想其  
人出而理之斯民其有瘳乎張君

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



念甫負政事才為汶上宰汶上地濱  
運河歲在丙丁之間南捨由豫東  
竄君料邑境之袁口為賊所必爭地  
廼周謀固守行畫多方劇裁事勢  
軍書來往及復議論人量寸較無  
所潰漏是以賊雖屢犯而河防屹

然會寇氛既靖迺以所上軍書及  
長官公牘彙鈔為若干卷以示  
余曰此非敢望為來日之準繩惟  
明當事之苦心耳余因之有感焉  
當賊之東入也萬騎犇突而運河  
為之阻使濱河守禦皆如汶上則賊

雖善攻亦不能策馬逐渡而自河  
以東之郡邑又何至蹂躪殆遍然則  
牧令得其人則全局係之又石獨政  
治之懋辭命之工為百里之福也詩  
曰辭之輯矣民之洽矣辭之懌矣  
民之莫矣若張君者其鄭子產

之風乎

吳縣洪鈞拜撰

風書



軍書彙鈔第一卷

三品頂戴山東巡撫部院提督軍門兼理鹽政關  
札汶上縣知悉照得捻氛竄入東境當經本部院派  
隊赴嘉鉅鄆各路迎擊所有沿運河牆亦經札飭在  
防各營嚴密守禦惟附河圍圩亟應自為防守毋令  
匪踪乘隙闖入致誤防務為此札飭札到該令立即  
傳諭該屬所有沿運民圩迅即修築并籌防守妥為  
布置沿河渡口亦各分段稽查倘各民圩或有疎失  
致令該逆偷渡定惟該管州縣是問該令務當嚴為  
督率毋涉懈弛切切特札

同治五年八月二十一日行二十二日到

稟 撫憲 本道 本府 八行五百里

肅稟者竊因逆捻竄入東境卑職連日發探頃據探報回稱探至卑縣城西七十里之馬村瞭見西南數十里外火光數起似在鉅野縣境一帶並聞鉅野縣屬之大戴義小戴義龍溝集等處均見賊踪合亟馳

稟

大人查核餘俟再探再稟肅此恭請

勛安卑職 謹稟

再賊踪飄忽其行甚疾南旺開河袁口等處防守均

極緊要 卑職 已飛飭各圩嚴加防守惟兵力尚須厚  
集伏求

急裁

稟現探賊踪由

同治五年八月二十二日

稟 撫憲 紅白稟

謹稟

大人閣下肅稟者竊因捻逆竄入東境當於二十二日將探報並飭圩設防情形馳稟

憲鑒在案 卑職 係於二十一日前赴縣境南鄉查勘前

報被水各處是否可以涸復能否種麥併與紳耆籌議疏洩之法於二十二日申刻回署是日晚刻二十三日早刻連接

憲札以捻氛入東所有沿河民圩渡口行令嚴加盤詰

防守等因

卑職

遵即立刻曉諭沿河一帶民圩渡口

嚴密防守盤查并選派幹役將南旺湖堤外河內漁

船全行撤入湖內靠近北岸以防該逆搶渡去後

卑職

隨即漏夜籌辦城防以固人心併即一面親帶小隊

馳往沿河一帶鼓勵民團將民圩渡口嚴加防守盤

查以副

憲屢除將設防章程續行稟報外理合先將大概情形

馳稟

大人查考再正在繕稟間接據前在開河等處修工幕友

家丁暨紳董稟信據稱業經集團將開河河西民圩  
嚴行防守矣仍由卑職立即親往沿河督辦特附稟  
聞肅此恭請

勛安伏乞

鈞鑒

卑職

謹稟

稟導

札籌防沿河一帶民圩渡口大概情形由



同治五年八月二十三日

欽加同知銜兗州府汶上縣正堂加十級紀錄十次張

為

出示曉諭事蒙

巡撫部院間 札開照得捻氛竄入東境當經本部  
院派隊赴嘉鉅鄆各路迎擊所有沿運河墻亦經札  
飭在防各營嚴密守禦 全云 切切特札等因到縣蒙  
此除諭飭團長遵照防守外合行出示曉諭為此示  
仰附近河墻居民人等知悉自示之後爾等務各齊  
心守禦切勿退縮不前致有疎虞倘有無知之徒抗  
不防守一經團長稟送本縣定按軍法從事決不姑

寬各宜凜遵毋違特諭

告示

同治五年八月二十二日

正堂張

正堂張

諭

圍長

等知悉頃奉

撫院札開以捻氛竄入東境飭令防守河牆等因到縣蒙此除出示外合行諭飭諭到該圍長等務各多集團丁在於沿河各圩嚴加守禦切勿鬆懈致有疎虞倘有無知之徒不聽調度從中阻撓許該圍長扭稟來縣定以軍法從事決不姑寬各宜凜遵毋違特諭

同治五年八月二十二日

諭

三品頂戴山東巡撫部院提督軍門兼理益政關  
札汶上縣知悉照得據統帶鼎字營潘臬司稟稱本  
月十六日賊乘鼎字銘字等軍回扼朱仙鎮突於是  
夜由中牟東竄掩撲省南近堤將豫軍撫標三營所  
守之牆悉數冲破盡向東走現擬十八日拔營跟追  
請飭各路嚴為防範並據鄆城徐令梁山營賈都司  
稟報鄆鉅交界之安興寨已於二十日見有邊馬各  
等情據此查豫軍防守堤牆賊由中牟竟被賊匪乘  
隙冲牆東竄賊情狡悍異常尤宜嚴備現五日之間

已竄至安興墓一帶賊勢飄忽恐其復逞狡謀乘我  
不備必須晝夜巡防並嚴查渡口盤拏奸細方足杜  
其窺伺合亟札飭札到該縣即便親赴河干督飭民  
團將沿運圩寨圍牆一律修築一面整飭團丁守禦  
尤須嚴查渡口凡來往過渡之人亦均隨時盤詰毋  
令奸匪混入圩中致誤防務是為至要切切此札

同治五年八月二十二日行二十三日

正堂張

仰役立即協同保長前往南旺湖所有隄外

河內漁船儘數撤入湖內靠近北岸以防逆捻搶渡

倘有不遵軍法從事速速

計差飭

西二郎廟北南保

郭家倉

劉村北南保

繩莊店東湯家海西保

彥氏村三保

大家廟小南保

韓家營

山楚營北保  
大位寺

梁寶寺

馬村集東  
倪家堂西

保各保長

票



同治五年八月二十三日

特用府即補直隸州署理兗州府正堂加十級紀錄十次王 札

汶上縣知悉本年八月二十一日蒙

本道札開本年八月二十日亥刻據曹州府來守荷  
澤縣江令稟稱竊卑府於本月十五日接據曹縣湯  
令稟報賴牛等股逆匪竄擾豫省洧川中牟等處勢  
欲北竄等情當由卑職繼與趕緊發探十六十七等  
日疊據探勇回稱賊匪於十一十二等日擾及中牟  
以北距汴省約數十里省城戒嚴等語當經會督同  
城文武團練人等分派兵勇嚴密設防十八日午刻

據探賊匪已由蘭儀竄入曹境邊馬直抵距郡五十里荷曹交界之安陵集一帶並聞曹境賈莊民圩已被賊匪攻破南鄉各處居民紛紛遷避圩寨郡城一併戒嚴查刻下秋禾未畢梁谷堆積遍野逆匪突如其來曹南數百里並無兵勇營盤堵禦卑府等十分焦急除會營晝夜登陴防守飛飭四鄉圩寨加意嚴防並勤發偵探隨時續報外合將逆氛北竄逼近郡城情形馳稟查考再正繕稟間天氣傍晚城上瞭見火先突起由正南接連西南共約十二三處距城約

四十餘里二更以後稍息城守徹夜加嚴合併附陳  
同日又據曹縣湯令稟稱飛稟者中秋日曾將逆匪  
渡河向東北狂竄情形馳稟憲鑒在案十七日丑時  
據杞縣探勇飛馬回報該逆自偷渡沙河以後擾及  
陳留通許遂自杞縣徑奔東北十五日考城境內見  
有賊馬往來十六日該匪大隊在考城睢州境內各  
處放火肆行擄掠其勢直趨東北必將闖入卑境等  
語查卑境西南鄉居民紛紛進城進寨望見火光不  
遠約在西南四五十里之遙卑職早已預備城守隨

即登城佈置所喜新任劉令已到定於十八日寅時接印卑職不敢因已經卸事畧為推諉當仍幫同劉令一切妥為料理不敢稍分畛域同日又據定陶縣劉令報稱竊於本月十六日卑縣探聞逆匪賴任等股各匪復竄汴梁等處又直往東北狂奔距東省匪遙即經派役前往偵探一面密諭城紳及各村寨長人等一體小心防範茲於十八日辰刻鄉民紛紛避入城寨詢之據稱聞逆捻已入東境西南鄉望見火光且有民人被擄騾馬之事未刻逃車尤甚並據探

役繞道回稱探得該逆大隊已於本日早竄至曹縣之韓家集一帶邊馬四出焚掠等語晚間城上查看西南十數里均有火光查韓家集距卑縣僅四十餘里而卑縣西南已見火光是該逆已擾及卑境此次該逆竄甚迅速卑縣各村寨前因雨水過大多有冲塌迄未修整堅固者守禦較前為難而賊至倉猝半日之間所有距城稍遠之民亦難盡遷入城防守亟應嚴密卑職現已會同同城紳士督率兵役嚴行守禦一面速諭各村寨一體嚴守並飭刻即遷移堅壁

清野以免擾害各等情據此除稟批示外合亟札飭  
等因到府蒙此合亟由馬遞五百里札知札到立即  
會督營典帶領兵役趕將城守事宜嚴密布置一面  
速諭各村寨加意嚴防毋稍鬆懈致被賊匪闖入為  
害切速飛速此札

同治五年八月二十二日行二十四日到

稟現探賊踪由

三品頂戴山東巡撫部院提督軍門兼理鹽政閻批  
據稟已悉賊勢故作盤旋難保不突來搶撲該縣沿  
河民圩均關緊要仰即親赴各圩督飭該圩長等認  
真防範並嚴查奸匪毋令混迹是為至要繳



同治五年八月二十三日行二十四日到